

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 248144 24 St
Zenica, 16.01.2025.godine

Općinski sud u Zenici, stečajna sutkinja Sanja Pavlić, odlučujući o prijedlogu za otvaranje stečajnog postupka nad stečajnim dužnikom HMS MEDINA EXPORT IMPORT d.o.o. Zavidovići, Smajlbašići broj 190., Zavidovići, 16.01.2025.god., donio je sljedeće:

R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji i zainteresirane osobe ne predujme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom HMS MEDINA EXPORT IMPORT d.o.o. Zavidovići, Smajlbašići broj 190., Zavidovići.

Ako zainteresirana osoba predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj HMS MEDINA EXPORT IMPORT d.o.o. Zavidovići, Smajlbašići broj 190., Zavidovići, podnio je prijedlog za otvaranje likvidacionog postupka nad društvom HMS MEDINA EXPORT IMPORT d.o.o. Zavidovići, Smajlbašići broj 190., Zavidović.

Likvidator je na ročištu za ispitivanje uvjeta za otvaranje stečajnog postupka izjavio da ostaje pri izvještaju koji je podnesen ovom sudu u likvidacionom postupku od 29.02.2024.godine u kojem je dato stanje imovine firme HMS MEDINA export import d.o.o. Zavidovići. Izjavio je da firma ne posjeduje pokretnu ili nepokretnu imovinu, kao i potraživanja, koja bi mogla predstavljati stečajnu masu dok je transakcijski račun blokiran, a kao dokaz za isto u spis je priložena: Potvrda nadležne službe Općine Zavidovići broj: 06/6-30-1880/22-2 od 11.04.2022.godine, Potvrda poslovne ASA banke broj: 631-11/21 od 29.11.2021.godine, te Informativni izvještaj o računima predmetne firme koji se vodi u Centralnoj banci BiH na dan 15.01.2025.godine, Izjava zakonskog zastupnika i vlasnika od 22.05.2024.godine, Uvjerenje Općinskog suda u Zavidovićima.

Izjavio je da prema evidencijama nadležnog MUP-a, kao vlasništvo društva se vodi i teretno motorno vozilo, marke Volvo, broj šasije: YV2A4B3A5WB190552, broj motora: D12093631, godina proizvodnje 1998, koje je objavljeno u nadležnom MUP-u i isto je dato u zamjenu za potraživanja kooperanta u vansudskoj nagodbi za šta je i sastavljena vansudska nagodba u pismenoj formi između Društva i obrtničke radnje "SEMIX" vl. Halilović Sead iz Kladnja. Izjavio je da firma ima blokiran račun, a nema imovine koja bi mogla pokriti osnovne troškove stečajnog postupka makar i djelimično, pa je predložio da sud putem oglasne table suda pozove povjerioce i zainteresirana lica da u roku od 30 dana predlože otvaranje stečajnog postupka i predujme iznos od 3.000,00 KM na ime troškova stečajnog postupka, a u koliko se tako ne postupi, da sud donese rješenje o otvaranju i zaključenju stečajnog postupka, a po pravomoćnosti društvo briše iz sudskog registra. Izjavio je također da što se tiče obaveza koji su zavedeni u posljednjim finansijskim izvještajima društvo ima obaveza na kontu kratkoročne finacijske obaveze odnosno obaveze prema dobavljačima u iznosu od 38.770,00 KM, koje su prema riječima zakonskog zastupnika izmirene, međutim nema nikakvih dokaza o tome, obaveze prema dobavljačima u zemlji u iznosu od 431,00 KM, koje se odnose na kamate po osnovu potraživanja kupaca, te obaveze po osnovu plaća i naknada plaća u iznosu od 1.316,00 KM, a ono što nije stavljeno u završni finansijski izvještaj je dug prema Upravi za indirektno oporezivanje a koji se zasniva na pravomoćnim rješenjima u iznosu od 5.159,00 KM, a koji je nastao po osnovu duga o izvršenoj kontroli.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao povjeritelje i zainteresirane osobe da predujme dovoljan novčani iznos za pokrivanje troškova stečajnog postupka (otvaranje i provodjenje stečajnog postupka), ako su zainteresirani za vodjenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vodjenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vodjenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić